

[www.BibleForChildren.org](http://www.BibleForChildren.org)

# मत्ती 26



निस्तार  
मेःलीङ्गीइ डीःमा  
टुःक तोःइला येशू  
बेथनिया युःलला ओःइसी।  
ओःला लाजरस तेःकुके, खोला  
येशूइ सीक्योकलाःम्ले सोम्बो जोदी  
एःके। ओः बेलाला मरियमगीइ  
माःइबुरा रीःन पेःगेन लिटर  
फे जटामसीइ सीःम्बु टीःमा  
तेर्केन अत्तर ख्योइदी येशूइ काइबाला  
टुःल्सी, ओःले खुङ्गीइ काइबा  
राःङ्गीइ टाइ फ्यासी, ओःले  
अत्तरकीइ टीःमाइ खीम काःइसी।



ओःले मेःन्दा चीङ्डी लोबेनक्या नाःङ्ला यहुदा इस्करियोत  
लाःकेन लोबेनदी छेस्यो पुजाहारीक्यासाःला काःल्दी येशूला  
जुम्जेला रोः पेःतेर्केन टेः पेःसी। यहुदाइ  
ताम कोःदी छेस्यो पुजाहारीक्या  
माःङ्बुरा केःदाड काःल्दी खुडला  
डेबा तेर्केन ताःम्ज्या पेःसी। ओः  
सोङ्गारा, यहुदाइ येशूला  
जुम्दी खुडक्याला  
तेर्केन लाःम  
छोल्गाला  
स्युःसी।




लोबेनक्या काःल्दी येशूइ लाःक्योक  
च्योःइरा पेःसी ओःले खुडक्याइ  
निस्तार मेःलीडगीइ डेन तयार जोसी।  
खुडक्याइ डेन साःदेरा पेःगासुना येशूइ  
खुरा चीग लेःइसी ओःले कोन्ज्योला  
थुजीछे तेर्मीःजीक खुडगीइ खुरा च्यासी  
ओःले लोबेनक्याला तेर्मी ओःले लाःसी,  
“दीखो लेःइदी सोः, दीखो  
डाःइ जुबु इःडे।”




ओः तीङ्ला मेःन्ज्याड लेःङ्सी ओःले  
कोन्ज्योला थुजीछे तेर्ती लोबेनक्याला  
तेर्तेरा लाःसी, “दीखो ख्योक्या थाम्जेरकीङ्  
थुङ्दो। दीखो डाःङ् ठा इःडे, दीखोङ्  
कोन्ज्योडीमु पेःक्योक ताःम्ज्याला  
ताःम्गुए। दी ठा माःङ्बुरा मीःक्याङ्  
लाःयो क्षमा काःल्ज्युक लाःती  
स्याःल्गेन एः।”



ओःले येशूइ लाःसी, “सीमोन, सीमोन! कोःदो, किसानगीइ  
पोलालाःम्ले न्याः टाप्ती तेइक्योक च्योःइरारा शैतानगीइ  
डाःलाःम्ले ख्योक्याला तेइजेला टीदी एः। इःनाड ख्योइ  
सेमल्हुक मातोच्युक लाःती डाःइ प्रार्थना पेःदी एः। ओःले  
ख्यो फीचर्या डाःसाःला लोःमीःजीक ख्योइ आतानोःक्यालाड  
सेमल्हुकला राःम्बु जोदो।”



पत्रुसकीइ लाःसी, “प्रभु, डाः ख्याडीमुरा चेडाडला डोकोःनाड  
ओःले सीकोःनाड सीजे तयार एः।” फीर्च्या येशूइ लाःसी,  
“पत्रुस, डाः ख्योला लाःके, डार्तो डामु च्याःबु प्रेःचे तोःड्ला  
ख्योइ डाःला डोःमेसेए लाःती थाड्मा सुम इन्कार पेःगेन एः।”



ओः तीङ्ला येशू गेतसमनी  
लाःकेन ठाँला लोबेनक्याडीमु  
काःल्सी, ओःले खुडक्याला  
लाःसी, “ख्योक्या दीलारा  
तेः, डाःदी तीबी चीग फार्ला  
काःल्दी रेःम्डे।” खुडगीइ  
एःन्दुले प्रार्थना पेःसी, “ए  
आबा, ए डाःइ आबा, ख्याइ  
थाम्जेर ताम पेःखुए। दीखो  
तुःक्पुइ मेःन्ज्या डाःलाःम्ले  
तेङ्तेर। इःनाड डाःइ सेम  
थैक्योक ताम मीःडे, ख्याइ  
सेम थैक्योक ताम पेःदो।”





ओः तेःकासु चीड थेक्या ओःले छेस्यो पुजाहारीक्या  
रा फारीसीक्याइ ताड्क्योक कोन्ज्योइ मन्दिर हुडेन  
1कोःरालुक्याला ख्योड्दी यहुदा ओः बगैंचा नाःड्ला  
ओःड्सी। खुडक्याइ पुल्ठोक्या, छेमीक्या  
ओःले टीःक्या खुर्ती एःके। मेःन्दा  
चीग लोबेनगीइ चोइ पुजाहारीइ  
लाबुला तरवार क्याःप्सी ओःले  
खुडगीइ च्याःबु नाम्ज्यो तुप्ती  
चेतेर्सी। इःनाड येशूइ लाःसी,  
“दाड्सी, ताः पोःर्तेर!” ओःले  
येशूइ ओः मीःइ नाम्ज्यो  
देदीमारा टाःच्युतेर्सी।



ओःले ओः मीःक्याइ येशूला जुम्दी चोइ पुजाहारीइ खीमला  
खेर्सी। पत्रुसदी थारीइबुलेरा खुडक्याइ तीड तीइला काःल्सी।

मीःक्याइ इल्दोककीइ

कील्ला मेः फुदी


तुःदी तेःती एःके

ओःले पत्रुस ओःइदी

खुडक्याडीमुरा तेःसी।



मेः तुःदी तेःकेनक्या नाःइला  
पत्रुसकीइ नाम्ज्यो तुप्ती  
चेतेक्योँक मीःइ छयोरी  
चीग ओःला एःके। खुडडाड  
चोइ पुजाहारीइ लाबु एःके।  
ओःले खुडगीइ पत्रुसला लाःसी,  
“डाःइ ख्योला ओः मीःडीमु  
बगैँचाला थोइक्योक, मीःडे ले?”  
पत्रुसकीइ फीर्च्याड मीःडे लाःती  
लेःन तेःसीं। ओःले ओः तेःकासुरा  
च्याःबु प्रेःसी। ओःले खुड फीला  
काःल्दी क्वाँ क्वाँ डुःसी।




ओः तीङ्ला यहूदीक्याइ महासभाइ  
थाम्जेर मीःक्याइ येशूला रोमीइ हाकिम  
पीलातससाःला खेर्सी। खुडक्याइ ताम  
कोःदी पीलातसकीइ येशूला टीःसी, “ची  
ख्या यहूदीक्याइ क्याःल्वु  
इःडे?” येशूइ लेःन लोदी  
लाःसी, “ख्यारा ओःन्दु  
लाःतेरा एः।” येशूला पोःर्तेर्चे  
सेम थेती पीलातसकीइ

मीःक्याला फीर्च्या लाःसी।  
फीर्च्या खुडक्या थाम्जेर एःन्दुले  
केताङ्दीरा तेःसी, “ओःखोला क्रुसला  
प्याङ्तेर, ओःखोला क्रुसला प्याङ्तेर!”




ओः ओःङ्गारा पिलातसकीइ येशूला  
क्रुसला प्याङ्जेला खुड्क्याइ लाःक्पाला  
तेर्सी। ओः सोङ्गारा, थेक्याइ येशूला खेर्सी,  
ओःले खुड् राःङ्गीइ क्रुस राःङ्गीइरा खुर्ती  
रीःसीलगीइ ठाँ लाःकेन ठाँला काःल्सी।  
(ओः ठाँला हुब्रु तामला गलगाथा  
लाःकुए।)



ओःला खुडक्याइ येशूला क्रुसला प्याइसी  
ओःले खुडडीमु राःइसा मेःराड डीलाड  
क्रुसला प्याइसी, चीगला खुडगीइ  
च्याबुछयोले ओःले  
राःइसादीला  
योमाछयोले,  
ओःले येशूलादी  
खुडक्याइ  
कील्ला प्याइसी।



छाकालगीइ चीइडी बज्तीदी एःके, ओःले सुम बज्मातीथुप  
डीःमा मास्यार ओःले देशकाःडरा नाकजुककीइ उप्सी। ओःले  
कोन्ज्योइ मन्दिरला प्याइक्योक पर्दा कील्ला राःल्दी बो डी  
काःल्सी। ओःले छयोम्बो केइ  
येशू केताइसी, “ए आःबा,  
डाः डाःइ ला ख्याइ  
लाःकपाला तेर्के।” एःजे  
लाःती खुडगीइ उ काःल्सी।



अरिमाथिया सहरकीइ योसेफकीइ जीरा  
माःजीबा पिलातससाःला काःल्दी  
येशूइ फुम्बु लाःइसी। खुड्दी  
यहूदीक्याइ महासभाला सेःसा  
पेःक्योक मीः एःके ओःले  
खुड्गीइ कोन्ज्योइ  
क्याःल्खापकीइ  
लाःम तादी  
तेःती एःके।





योसेफकीइ याःबु सुतीइ केःला इयोःदी  
ख्योइसी ओःले येशूइ फुम्बु क्रुसलाःम्ले  
पाप्ती ओः केःलाला तुम्सी ओःले  
ओःखोला टाःक तुप्ती जोक्योक  
फुक च्योःइरा तुःसाला  
ज्यासी। ओः तीइला  
खुङ्गीइ छयोम्बो तोः  
रील्दी तुःसाइ कोः  
कातेसी।



डार्तो च्योःइरा डाःल सोगेन डीःमाला  
छेस्यो पुजाहारीक्या ओःले फारीसीक्या  
पिलातससाःला काःल्सी  
ओःले लाःसी, “हजुर, डीःइ  
टेःम्बा साल्दी ज्यादी एः,  
ओः स्योप क्युःकॅनदीइ  
सोम्बो एःकासुना ‘डाः  
सीक्योककीइ डीःमा  
सुमला फीर्च्या

सोम्बो

लोःगे’  
लाःतेरा  
डोःके।”



ओःले खुडक्या काःल्दी तुःर्साइ  
कोः उप्केन तोःला छाप  
क्याःप्सी ओःले मीःक्याइ  
ओःखोला माःफ्याज्युक  
लाःती थेक्याला  
हुड्च्युसी।



डाःल सोगेन डीःमाइ डार्तो च्योःइरा  
साडीःमाइ डामु नुःपला मरियम  
मग्दलिनी ओःले राःइसा  
मरियम येशूला  
ज्याक्योक तुःर्सा  
तागाला काःल्सी।



खेप चीगलारा ओःला छयोम्बो सायु  
काःल्सी, चीलेलाःना प्रभुइ स्वर्गदुत  
चीग नाःम्खालीडलाःम्ले माःर्ला  
ओःड्सी, ओःले तोः फार्ला  
रील्दी ओः खाला तेःसी।  
तुःर्सा ह्नुडेनक्या जीबाइ  
दासी, ओःले खुडक्या  
सीक्योक मीःक्या  
च्योःड्रा

काःल्सी।



इःनाडः स्वर्गदुतकीइ ओः पेःन्पीःजाक्याला  
लाःसी, “माःजी, डाःइ छोर्ती एः,  
ख्याक्या क्रुसला प्याङ्क्योक  
येशूला छोल्देरा एः। खुडः  
दीला म्याः, चीलेलाःना  
खुडःगीइ लाःक्योक  
च्योःड्रा खुडः  
सीक्योकलाःम्ले

सोम्बो  
लोःदी

एः। स्यो,  
खुडःला ज्याक्योक  
ठाउँ तादो।”



ओः पेःन्पीःजाक्याला जीबाड लाःड्सी ओःले  
केःदाडाड काःल्सी। खुडक्या गेबु गेबु  
तुःसालाःम्ले थैड्दी काःल्सी ओःले  
लोबेनक्याला लेःड्गो तेर्चेला छयोड्देरा  
काःल्सी। येशूड् खुडक्याला एककासी  
फ्रेसी ओःले लाःसी, “टासीदेले!” ओः  
तेःकासुरा खुडक्याड् पीमु चुदी  
खुड्गीड् काड्बा देसी ओःले



खुडला फ्या छाल्सी।



ओः तीङ्ला मेःन्दा च्युजीक लोबेनक्या साःप्या साःगेन  
बेलाला येशू खुडक्याइ कील्ला थोङ्सी। येशूइ खुडक्याला  
केतेङ्सी चीलेलाःना खुडक्याइ सेम ताःम्बु जोदी खुड  
सीक्योकलाःम्ले सोम्बो काःल्मीःजीक खुडला थोडेनक्याइ  
तामला सेमल्हुक लुदी म्याःके। प्रभु येशूइ लोबेनक्याडीमु  
एःन्डुले ताम लाःसीःङ्मीःजीक खुडला याःर्ला नाःम्खालीङ्ला  
खेर्सी ओःले खुड कोन्ज्योइ च्याःबु लाःक्पाछ्योले तेःसी।





चीलेलाःना कोन्ज्योइ जाम्बुलीडगीइ  
मीःक्याला एःन्डुबा च्याःम्बु पेःसी, खुडगीइ  
राःडगीइ चीग चीग्रा चीग पुःलाड तेसी, ओः  
सोङ्गारा, खुडखाला सेमल्हुक लुगेनक्या  
सुड सीःइदाक मेःन्डोगेन एः, इःनाड  
ओःखोइ नाःमाड मीसेगेन  
मीःली ज्योर्केन  
एः।



## Ephesians 2:8,9

कोन्ज्योइ ख्याक्याला नीड च्योःक्योक सोङ्गारा खुड्गीइ  
ख्याक्याला थार्च्युसी, चीलेलाःना ख्याक्याइ ख्रीष्टला सेमल्हुक  
लुसी। ख्याक्याइ पेःक्योक लेःगाइ पेःगासुना ख्याक्याला खुड्गीइ  
थार्च्युक्योक मीःडे, इःनाड ख्याक्याला खुड्गीइ एःन्दाराड  
थार्च्युक्योक। ख्याक्याइ पेःक्योक काःन्दीड याःबु लेःगालाःम्ले  
ख्याक्या थार्च्ये ज्योक्क्योक मीःडे, ओः सोङ्गारा, कान्दीड  
मीःइयाड घमण्ड पेःकोःन तामरा म्याः।



John 3:16,17

चीलेला:ना कोन्ज्योइ जाम्बुलीडगीइ मी:क्याला ए:न्डुबा च्या:म्बु  
पे:सी, खुडगीइ रा:डगीइ चीग चीग्रा चीग पु:लाड तेसी, ओ:  
सोङ्गारा, खुडखाला सेमल्हुक लुगेनक्या सुड सी:इदाक मे:न्डोगेन  
ए:, इ:नाड ओ:खोइ ना:माड मीसेगेन मी:ली ज्योर्केन ए:।  
चीलेला:ना कोन्ज्योइ जाम्बुलीडगीइ मी:क्याला मा:ताक्पा  
च्या:इजेला रा:डगीइ पु:ला ताइक्योक मी:डे, इ:नाड खुडक्याला  
सेन्च्युजेला ताइक्योक इ:डे।



1 John 5:11-13

कोन्ज्योइ उःक्याला लाःक्योक ताम दीखोरा इःडे, खुडगीइ  
उःक्याला मेःपोन मीःली तेर्ती एः, ओःले ओः मीःली खुडगीइ पुः  
येशू डीमु एः लाःती कोन्ज्योइ लाःती एः। काःखोइ कोन्ज्योइ  
पुःला सेमल्हुक लुदी एःपा ओःखोडीमु मीःली ओःङ्गुए, इःनाड  
काःखोइ कोन्ज्योइ पुःखाला सेमल्हुक लुदी म्याःपा  
ओःखोडीमु मीःली मेःयोडए।

ख्याक्याइ मेःपोन मीःली ज्योर्ती एः लाःकेन ताम छोर्च्युक  
लाःतीरा कोन्ज्योइ पुःखाला सेमल्हुक लुगेनक्याला दी  
ताम डाःइ प्रुःदेरा एः।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Kagate Bible (syw) © 2023 (Active), Wycliffe Bible Translators,  
Inc. All rights reserved.

<https://www.bible.com/bible/3556/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

